

lineamenta omnium membrorum; ex hinc jam reliquo tempore, usque ad tempora partus, magnitudine augeatur. Ad quadraginta quinque dies, addito uno, qui significat summam, quia VI, et (1) VIII, et XII, et XVIII in unum coaptati sunt XLV, addito ergo, ut dictum est, uno, qui cum fuerint multiplicati, per ipsum senarium numerum, qui hujus ordinationis caput tenet, sunt CCLXXVI, id est, novem menses et sex dies, qui computantur ab octavo kalendis aprilis, quo die conceptus est Dominus Creator, qui eodem die etiam passus est, usque ad VIII kalendas januarii, quo die natus est. Non ergo absurdum XL et VI annis dicitur fabricatum esse templum, quod corpus ejus significabat, ut quot anni fuerant in fabricatione templi, tot dies fuerint in corporis Dominici perfectione.

(1) Cod. ad.

LIBER

De Compassione B. Mariæ virginis.

Talem titulum praesigendum duximus huic libro, qui pro titulo habet in cod. : Verba sancti Augustini episcopi valde utilia ad consequiendam cordis contritionem. Sed de nullo agitur, nisi de mysterio sanctæ Virginis morienti Filio compatiens. Nihil in hoc opusculo, aliunde pio, occurrit, quod beati Doctoris mentem et stylum redoleat. Unde sit in appendice post precedentem.

SYNOPSIS.

I. Auctor a beata Virgine petit quamdam lacrymis ejus participationem. II. Visa a se et tolerata narrat Virgo respondens. III. Mariæ verba ad Christum morientem. IV. Verba Christi ad Mariam, quibus datur illi Joannes filius. V. Mariæ et Joannis dolor, cum expiraret Christus. VI. Verba Mariæ ad Christum mortuum, visque desiderii ejus. VII. Quæ fecit dixitque Maria, cum Christus a cruce deponeretur. VIII. Compassio hominum et Angelorum erga Mariam dolentem. IX. Christi sepultura. X. Reducitur Maria Jerusalem; ubi ad Filii memoriā flere pergit et lamentari.

I. « Quis dabit capiti meo aquam et oculis meis imbre lacrymarum¹, » ut possim flere per diem noctemque, donec servo suo Dominus meus Jesus Christus appareat, visu consolans animam meam peccatricem? Vos, filiae Jerusa-

¹ Jerem. ix, 1.

lem, speciosæ dilectæ Dei, una mecum lacrymas fundite, donec nobis noster sponsus in sua speciositate benignus occurrat. Recolite, recolite, sedula mente pensate, quam sit amarum ab ipso separari, cui fideliter inhæsistis, cui vos in omni sanctitate vovistis; vovistis, reddite ergo ea: vos ipsas Christo vovistis, vos reddite Christo. Currite, filiæ, currite, virgines sacræ, currite, matres Christo castitatem voentes; omnes ad Virginem currite, quæ genuit ipsum; ipsa enim portavit Regem gloriæ corde, illum etiam petenti datura: ipsa genuit eum pariterque lactavit, et in die circumcidit octava, et quadragesimo die etiam præsentavit in templo, duas turtures vel columbas pro eo offerens in holocaustum; fugiens ab Herode in Ægyptum eum portavit: nutriendis et lactans eumdem, curam illius habens, sequebatur eum quocumque pergebat. Credo firmiter fuisse inter illas fœminas, quæ Christum sequebantur ministrantes eidem. Nullus admirari debet, si sequebatur illum, cum ipse dulcor ejus et desiderium totus esset. Hanc arbitror fuisse inter illas gementes fœminas filias Jerusalem, ad quas Jesus non clarus imperio, sed opprobrio plenus, spinis illusus, plagiis afflictus, in angariam mortis bajulans sibi crucem, conversus ait: « Filiæ Jerusalem, » nolite flere super me, sed super vos ipsas flete et super » filios vestros¹. » Putas-ne, Domina mundi, Domina mea dilecta, Mater ejusdem Christi, est verum quod dico? Bene obsecro, ut dicas servulo tuo de ejus cœli veritate et gaudio Paradisi. Obliviscere tamen doloris quantitatem; nunc non ambigo passam fuisse. O utinam dolor ille sic quotidie meis visceribus inhæreret, sicut inhæsit tunc tuis! Utinam die quo assumpta fuisti in cœlum, ut in æternum cum tuo gauderes dilecto, mihi tuas lacrymas indicasses, quod per illas agnoscerem⁽¹⁾, quantum tibi amaritudinis fuerit⁽²⁾, cum Jesum dilectum tibi, heu me! heu me! et

¹ Luc. xxiii, 28.

(1) Cod. agnosceres. — (2) Id. fuerat.

parum dilectum mihi, in ligno confixum, et capite inclinato, suum sanctissimum spiritum exhalare videres. Te, te peto, ne te moveant verba, cum saxa deberent scindi ad illa. Quivis, inquam, regnans in cœlo, vel peregrinans in terra deorsum, audiens vel pertractans, quomodo factus est opprobrium ipse Dominus Angelorum... (1). Quare non plango ego miser? En(2) abjectio plebis Filius Dei Patris; quis posset lacrymas continere? Verumtamen tu gaude gudio magno, ab ipso nunc glorificata in cœlis, quæ in mente clavis amarissimæ mortis fuisti confixa; mihi tamen, obsecro, lacrymas illas infunde, quas ipsa habuisti in ejus⁽³⁾ horribili passione; et ut affluam largius, de passione filii tui Domini nostri ad invicem conferamus. Te, quæ summæ Trinitatis es virgo, divinitatis mihi flagito secreta⁽⁴⁾ enarrare.

II. Ad quem beata Virgo respondit: « Illud quod quæris compungitivum est magni doloris, sed quia glorificata sum, nec flere possum, tu cum lacrymis scribe, quæ ego præsens cum magnis doloribus vidi. » Cui, inquam, flere peropto, et nil aliud mihi libet. Sed ego miser cor lapideum habeo; ideoque flere non possum. Regina cœli, Mater crucifixi, da quod jubes, et quod cupio ipsa præbe. Audi servum tuum; dicat mea domina materque mea dicat⁽⁵⁾, si in Jerusalem eras quando captus fuit Filius tuus, cum vincitus ad Annam tractus et ductus est. Cui beata Maria respondit: « In Jerusalem eram quando hæc meis auribus insonuerunt; ad eum flendo perveni gressu, ut potui, qualicumque; cumque intuita illum suissem percuti pugnis, alapis cædi, conspui facie, spinis coronari, et fieri opprobrium hominum ipsum Dominum Angelorum, sunt omnia viscera mea commota, et spiritus meus ad nihilum redactus est: et mihi vox non erat nec sensus. Sorores⁽⁶⁾ pari-

(1) Hic quedam desunt. — (2) Cod. et, sine punto; et deinde deest quis. — (3) Id. sua. — (4) Id. flagito, nec habet secreta; divinando corrimus, quod judicet lector. — (5) Id. addit que. — (6) Id. addit nec ante sorores.

ter mecum erant et aliae fœminæ multæ quasi Unigenitum plangentes eumdem, inter quas erat Maria Magdalene, quæ super omnes, me excepta, dolebat. Cum Christus Deus, præcone clamante, imperante Pilato, bajulans sibi crucem ad supplicium traheretur, factus est concursus populorum euntium post eumdem, et quidam projiciebant lutum super caput ejus et immunditas blasphemantes. Sequebar ego ipsum mœstissima mater cum mulieribus que secutæ fuerant eum a Galilæa ministrantes eidem, a quibus tenebar, quonsque perventum est ad locum ubi crucifixerunt eum, et velut mortua sustinebar. Ante et ipse videtem (1) me fuit in cruce levatus, et in ligno durissimis clavis affixus manibus et pedibus. Ego videns eum vidensque me ipse, plusquam de se ipso dolebat de me; ipse vero tanquam agnus coram tondente vocem non dabat neque aperiebat os suum¹; aspiciebam ego infelix et misera Deum verum filiumque meum pendentem in cruce, ac morte turpissima morientem, et in mente mea tanta tristitia versabatur pariter et dolor (2), quanta explicari sermone non posset; nec mirum est, quia discurrebat ejus sanguis ex quatuor partibus, rigantibus undis, ligno manibus pedibusque confixis. De vultu illius omnis effluxerat pulchritudo: et qui prius erat præ filiis hominum speciosus², videbatur omnium maxime (3) indecorus. Videbam quod in eo illud propheticum implebatur: «Vidimus eum et non erat ei aspectus, nec species, nec decor³», quia vultum illius fœdaverant verbera (4) iniquorum. Iste erat dolor maximus, quia videbam me ab eo, quem genueram, deseriri (5), nec supererat aliis, quia unicus mihi erat. Et ideo non poterat in me capere dolor meus; vox mea fere perierat; omnis fundebat in gemitus suspiraque doloris. Volebam loqui, sed dolor verba rumpebat, quia verbum

¹ Isaï, LIII, 7. — ² Psal, XLIV, 3. — ³ Isaï, LIII, 2.

(1) Cod. *videns*. — (2) *Id. dolore*. — (3) *Deest maxime, in cod.*

(4) Cod. *male fœdaverat verberibus*. — (5) *Id. deserere*.

jmente conceptum, dum ad formationem penderet oris, ad se imperfectum dolor cordis non minus vocabat. Vox triste sonabat foras, vulnus denuntians mentis; verba dabat amor, quæ rauca sonabant; nam lingua vocis magistra perdidera usum loquendi.

III. Videbam morientem, quem diligit anima mea, et tota desiciebam præ doloris angustia et mero. Aspiciebat et ipse, ut est, benignissimo vultu me Matrem suam plorantem, et verbis paucis voluit me consolari. Non potens flebam dicendo, et dicebam plorando: «Fili mi! Fili mi!» Væ mihi! vœ mihi! «Quis mihi dabit ut ego moriar pro te⁴?» O misera, quid faciam? moritur Filius; cur secum, non moritur mœstissima ejus Mater? Fili mi, Fili mi charissime, amor unice, Fili mi dulcissime, noli me relinquere. Post te trahe me ad te ipsum, ut moriar et ego tecum. Male solus morieris, ego tecum morte ista tua genitrix perimar. O mors, miseræ (1) tu parcere mihi noli; tu sola præ cunctis mortalibus mihi places; exere ergo vires, Matrem trucidā, mori volentem Matrem cum Filio suo simul perime, quam relinquis. Tu mihi, dulcor unice, singulare gaudium, vita animæ meæ et omne solatium, fac ut ego moriar nunc tecum meo Filio, quæ te ad mortem genui sine viri auxilio. O Fili, quæso, miseram recognosce et exaudi me desolatam Matrem; exaudi me, obsecro, et in tuo patibulo suscipe me, ut qui una carne vivunt et uno diligunt se amore, simul percant una morte. O Judæi miseri, o Judæi impii et crudeles, nolite parcere mihi. Ex quo crucifigitis unicum meum natum, et me Matrem crucifigite, aut alia quacumque sæva morte punite, dummodo cum meo moriar Filio. En male moritur ille solus; orbas orbem radio, me, Judæa, Filio, gaudio, dulcore. Vita mea moritur, et salos perimitur, ac de terra tollitur mea spes cum mero. Ergo post Filium Mater in dolore cur vivit? Tollite

⁴ 2 Reg. XVIII, 33.

(1) Cod. *misera*.

cum suo pignore, suspendite ejus Matrem. Non parcis proli; et mihi, peto, non parcas. Tu mihi soli, mors horribilis, sæva esto, quia tunc summe gauderem, si possem simul cum meo mori dulci Filio (1). Sed mors optata recedit; vœ mihi infelici! Tibi, Jesu, præcipitata (2) venit; multo mihi melius mori, quam vitam ducere mortis; sed fugis a misera, et me infelicem (3) relinquis, cui nunc multum ipsa mors esset optata. O Fili chare, benigne nate, miseræ Matris suscipe preces; desine Matri nunc esse durus, qui semper cunctis fuisti benignus. Suscipe Matrem tecum in crucem, ut vivat semper tecum post mortem. Dulcissimus mihi nil esset vere, quam te in cruce amplexando tenere; et amarius nil certe est mihi, quam post tuam mortem vivere tristis. O tu mihi pater, tu mihi mater, tu mihi sponsus, tu mihi filius, tu mihi omnia eras. Nunc orbor patre, matrem jam perdo, viduor sponso, desolor prole. Vœ mihi! vœ mihi! vœ mihi! Quo vadim, Fili mi charissime, vel ubi me vertam, pater dilectissime? Quis mihi solatium præbebit, piissime? quis mihi subsidium præstabit, benignissime? Consilium de cætero a quo petam, sanctissime? Sunt omnia possibilia tibi, Fili mi; sed si non vis ut moriar tecum, mihi aliquod consilium derelinque. »

IV. Cui Dominus anxius jam in cruce oculis et vultu an-
nuens de Joanne ait ad illam: « Mulier, ecce filius tuus⁴. » Erat præsens et ipse Joannes vultu tristis, lacrymis super-
fusus. Ac si diceret: « O mater sanctissima, ad flendum sua-
vis, et mollis ad dolendum, tu scis quia ad hoc veni, de te
carnem assumens, ut genus humanum ad salutem per cru-
cis patibulum revocarem: scis enim quod oportet me pro
generis humani salute mori (4); die namque tertia resur-
gam, tibi et meis discipulis pariter apprens. Alias Scrip-
turæ quomodo implebuntur? Ergo desine flere, dolores

¹ Joan. xix, 26.

(1) Cod. *dulce miseræ*. — (2) Id. *præcipita*. — (3) Id. *male felicem*. —
(4) Deest mori in cod.

depone; quia ad Patrem vado et ascendo paternæ majes-
tatis gloriam percepturus: imo congratulare mihi potius,
Mater, quia inveni ovem erroneam, quam tam longo tem-
pore perdidi, et unus moritur, ut totus mundus resurgat a
morte. Unius ob meritum perierte omnes (1); ob meritum
modo cuncti salvantur (2) unius. Quod Deo Patri placet,
quomodo tibi displicet, charissima Mater? Non vis ut bi-
bam calicem quem dedit mihi Pater¹? Noli flere, mulier,
nec plangere noli, Mater charissima. Non te desero, nec
etiam derelinquo; tecum sum et ero omni tempore sæculi.
Si secundum carnem, subjaceo imperio mortis, secundum
Deum sum, fui et ero semper immortalis et impassibilis
perseverans. Unde processi et veni, tu ipsa melius nosti.
Quare igitur tristaris, si illuc ascendo, unde descendi as-
sumens, piissima, de te carnem? Tempus est ut ad eum,
qui me misit, revertar², et ego quo vado venire modo non
potes, post me autem es et tu, Mater, ventura. Joannes
interim, qui nepos est tuns, tibi reputabatur filius; curam
tui habebit, et tibi solatium fidelissimum erit. » Ipse inde
Joannem intuitus ait: « Ecce mater tua³; » ei servias et
curam illius habe; commendo tibi eamdem; suscipe Ma-
trem tuam, imo magis suscipe meam. »

V. Hæc pauca dicens, illi duo dilecti semper lacrymas
fundere non cessabant; tacebant ambo. Isti duo martyres
nec loqui poterant præ dolore; isti duo virgines audiebant
Christum voce rauca loquentem, et ipsum paulatim mo-
rientem videbant, nec ei verbum poterant respondere,
quia videbant illum in patibulo morientem. Erant quasi
mortui, et spiritus eorum voces exhalare nequibant. Des-
cererant enim et amiserant loquendi virtutem. Audiebant et
tacebant, quia loqui non poterant præ angustia et dolore.
Solus illis dolor luctusque remansit. Amabant flere, nec
amare cessabant; amare flebant, quia ambo amare volebant.

¹ Joan. xviii, 11. — ² Id. xvi, 5. — ³ Id. xix, 27.

(1) Cod. *perire minores*. — (2) Id. *salvamur*.

Nam gladius Christi animam utriusque transfixit. Quando Dominum (1) servus sæve perimebat, pterque magis flebat; sed acrior (2) servor siebat in Matre, quæ acrius Filii sentiebat dolores. Christi morientis erant vulnera Matris (3). Dilaniata Mater pignoris morte erat. Viscera Matris (4), erant percussa cuspidi teli, quando (5) membra Filii percutiebant (6) servi iniqui. Tum pectora (7) ipsa erant, quæ dolor magnus tenebat. In mente ejus creverat (8) mensura doloris, nec extra refundi poterat. Ipsa hora cum inter sœvientes dolores nati acriter Matris anima jactabatur (9), in carne Christi solvebatur (10) debitum mortis, quod gravius erat. Interim Christus commendata Matre Joanni, dixit: «*Sitio*¹.» Qui crucisixerunt eum, acclum cum felle mixtum dederunt eidem; qui cum gustasset, noluit bibere et ait: «*Consummatum est*². Et exclamavit Jesus voce magna dicens: Heli, Heli, lammasabactani, hoc est, Deus meus, Deus meus, ut quid dereliquisti me? Et sic dicens expiravit³.» Tunc intremuit terra, sol lumina clausit, mœrebant poli, mœrebant sidera cuncta, et suum jubar amisit luna dolendo, recessitque omnis ab alto athere fulgor. Scinduntur duri lapides, scinduntur fastigia templi, surrexerunt multi, aperta tumba sepulcri (11), facientes Christum cum voce publica Deum. Cogitare libet quantus dolor tunc insuit Matri, cum sic dolebant quæ insensibilia erant. Non lingua loqui, nec mens cogitare valebit, quanto dolore anima tenebatur Mariæ. Juxta Christi crucem stebat emortua Mater, quæ illum concepit obumbrata Spiritu sancto. Vox non erat illi, dolor abstulerat voces; imo

¹ Joan. xix, 28. — ² Ibid. 30. — ³ Matth. xxvii, 46.

(1) Hæc verba quando Dominum desunt in cod. — (2) Voces sed acrior, et deinde verbum Filii desunt in cod. — (3) Deest in cod. vox Matris. — (4) Deest iterum Matris in cod., qui habet membra. — (5) Id quomodo. — (6) Hæc verba Filii percutiebant desunt in cod. — (7) Cod. tempora, et deinde quam. — (8) Id. creverant... poterant. — (9) Id. animam lactabant. — (10) Id. solvebat. — (11) Id. apertæ tombæ sepulchris.

strata jacens pallebat, anima vivens: vivebat moriens, vivensque moriebatur, nec poterat mori, quæ vivens mortua erat. In anima dolor sæve sæviebat illius: optabat magis (1) mori quam vivere post Christi mortem (2), quæ male vivens mortua tamen erat. Ibi astabat dolens, confecta sævo dolore, expectans Christi corpus deponi de cruce.

VI. Hæc plorabat dicens: «Heu me! heu me! reddite nunc miseræ corpus vel exsangue (3): complestis vota; extinctum deponite Matri, vel si libet Matrem (4) me morte jungite illi, ut simul peream, doloribus finitis ejusdem. Deponite, quæso, deponite mihi cadaver, ut habeam mecum ejus exanime corpus. Mihi solamen erit vel saltem habere defunctum.» Juxta crucem stebat Maria considerans vultu benigno Christum pendentem stipite sævo, pedibusque nitens, in altum manus levabat, amplectens crucem, ruens in oscula ejus, Christi qua parte sanguinis unda rigabat, ut Christum amplecti valeret, quod minime poterat. Sursum manus tendere conabatur, quia amor superat multa, quæ raro vel nunquam sibi (5) fieri possunt: sed sibi (6) cedi multa impatiens amor credit: volebat amplecti Christum in alto pendentem, sed manus (7) frustra se in se complexæ ligabant (8). Se levans a terra sursum erigebat ad Christum, et male collidebatur ad terram; eum tangere non valebat, et ibi prostrata jacebat, depressa immensitate doloris, et a terra impetu ejusdem amoris surgebat Christum intensis manibus cupiens attractare (9). Erat enim magno cruciata dolore, et terram interim petere cogebatur, quia tunc illi male erat vivere vita tali magis (10), quam necari ab impiis gladio sævæ mortis. Inde tanquam mortis pallor ejus perfuderat (11) vultum cum genis et ore; rubeas Christi undas, guttas sanguinis cadentes tangebat animo dolorosa.

(1) Deest magis in cod. — (2) Deest mortem in cod. — (3) Sic in textu; super lineam autem exanime. — (4) Cod. Matris. — (5) Id. sibi præsse. — (6) Id. ibi. — (7) Id. male addit non. — (8) Id. negabant. — (9) Id. attractare. — (10) Deest magis in cod. — (11) Id. perfuderat.

VII. Interim quidam vir nobilis, Joseph nomine, qui licet occulte, tamen discipulus ejus erat, confidenter ingreditur ad Pilatum, Domini Jesu corpus postulans sibi dari. Quo concesso, convocavit ad se quemdam virum sapientem nomine Nicodemum, qui et ipse occulte similiter discipulus Christi erat, et venerunt ad locum ubi Dominus Jesus fuerat crucifixus, ministeria secum ferentes quibus clavis evulsi deponere possent corpus. Quos dum Mater ejus vidit corpus deponere cupientes, quasi de morte consurgens spiritus ejus revixit, et illud quod poterat adjutorium ministrabat; quorum dum unus clavos trahebat de manibus, alter ne caderet corpus exanime sustinebat, stabat Maria brachia levans in altum et corpus Christi manusque pendentes (1) trahebat ad se supra pectus ejus, quæ duni tangere valuit in amplexibus ruens, de suo dilecto non poterat satiari. Sed cum de cruce in terra depositum fuit corpus, supra ipsum præ doloris incontinentia (2) ruens, quasi mortua stare cœpit; extincti Filii faciem undique lacrymis rigans, amarissima suspiria exhalabat, et quoties caput tangebat ejusdem dulcissimi (3), flendo, manibus percutiebat se dicens: « O charissime Fili mi, quid fecisti? Quare te Judæi crudelissimi, crucis patibulo occiderunt? In gremio te mortuum teneo. O quam sum tristissima tua Mater! Quid ultra ista misera faciet? Væ mihi! Fili mi, ubi est tantum gaudium, quantum in tua humana nativitate tam dulci? Væ mihi! Fili mi, quam durum versum est illud gaudium in mœrorem! Fili mi, nil amplius restat, nisi ut interficiam meipsam (4). » Interim quoque frontem, oculos, genas et os frequenter ejusdem osculabatur. Lacrymarum tantam ubertatem fluebat (5), ut carnem cum spiritu fere in lacrymas resolvi putares. Lacrymis undique crura Filii rigabat, corpusque, quod ponendum (6) erat

(1) Cod. *pendentia*. — (2) Id est præ dolore qui se non poterat continere. — (3) Cod. *dulcissime*. — (4) Hæc impie posita sunt in os Matris Dei sanctissimæ. — (5) Id est fluere faciebat, profundebat. — (6) Cod. male positum; forte legendum posituri erant.

sub lapide, manabat (1) undis per totum. Illius facta et opera revocabat ad mentem; quis vel qualis fuerat, quem sine libidine ipsa virgo concepit et peperit ab omni dolore immunis. Totum erat ei ipse, cum (2) ipse vivebat, tanquam Dominus suus, et Deus, et unicus Filius tam dilectus; et nunc illi sic erat, sicut poterat, et esse debebat; unde et dicebat eidem: « Dic, Fili dulcissime, dic, mi amor unice, vita meæ animæ, singulare gaudium, unicum solatium et omne desiderium, quare me afflictam sic dolere permittis? Cur tam longe factus desolatam relinquis, et potius non facis sociam tuæ mortis? Heu! heu! Deus meus, quis consolabitur amplius vitam meam? Respice in me, et mei, Domine, miserere. »

VIII. Dicat, si potest, quicumque dicere cupit, quam Christi Matrem tenebat mensura doloris. Virginis dolorem posse narrari non credo. Tantus erat mœror, quia omnis recessit dulcedo! Pia dulcisque Mater pie justique dolebat, sperans tamen ipsum tertia resurgere die. Quædam cum illa plorabant sanctæ mulieres, quarum parvus erat numerus, parvusque virorum qui lugerent Christum simul cum Virgine Matre. Erant et Angeli simul cum illa lugentes, tamen si poterant dolere. Dolebant quidem (3) pro justo amore Christi Dei, quem diligebant pariter, quod genus redimebatur humanum. Flebant, ut arbitror, amarissime mente turbati, quod Matrem videbant tanto dolore turbari. O quis Angelorum vel Archangelorum illic non fleret! Vir contra naturam, Deus immortalis et homo, jacebat mortuus a Judæis: videbant ut Christi corpus sic male ab impiis tractabatur, et sic etiam laceratum jacere, et Mariam cruentatam sanguine et cruore. Illam piam dico videbant, illamque sanctam, totam bonam, suam beatissimam Matrem tantis singultibus cruciari, tam amaris repleri doloribus et sic amarissime flere, quod nullo modo poterat suas dulces lacrymas refrenare. Fiebat luctus et mœror ab An-

(1) Cod. *manebat*. — (2) Id. *quem*. — (3) Id. *quidam dolebant*.

geliſ præſentibus ibi, quali dolebat luctu ſpiritus almus. Credo, propter quod loquor, quod dolebant, ſi dolere valabant. Sicut enim Deum per aſſumptum hominem poſſibile fuit mori, ſic poſſible fuit beatos Angelos dolere in ſui Domini morte. Joseph ab Arimathaea, vir sanctus, qui de cruce cum Nicodemo corpus Christi depoſuerat, ſicut Evangelium perhibet de eisdem, poſuit illud in ſindone nova conditum aromatibus pretiosis, poſuitque demum in monumento novo, quod ſibi fecerat, alacriter et devote. Tunc ad illius exequias Angelorum chorus, millia millium decantabant, ac omnes pariter convenerunt ad ſui Domini ſepulturam. Ipsi cantabant laudes, ſed Maria dabant gemitus, et cordis ſuſpiria exhalabat. Illi laudes extollebant ad cœlum, Maria amare flebat juxta ſepulcrum, et volebat cum illo, mœſta Mater, pariter ſepeliri.

IX. Hæc innixa ſuper dilecti ſui corpus, ſuaviter amplexens eumdem cum omni amoris dulcedine, oſculando aſtantibus talia reſonabat: « Miferemini mei, miferemini mei, ſaltem vos amici mei¹. » Illum adhuc paululum relinquite Matri ſuæ, ut faciem ejus valeam contemplari et aliquantulum conſolari. O chariſſimi mei, nolite obſero tam cito tradere ſepulturæ. Date illum miferæ Matri ſuæ, ut iſum mecum habeam vel defunctum, aut ſi illum deponitis, in ſepulcro me miferam ſepelite cum eo, quia male poſt iſum ſupereret mihi vita. » Tunc illi Chriſtum in ſepulcrum (1) ponebant, et ipsa eum trahebat ad ſe; volebat enim eum ſecum aliquantulum retinere, et illi volebant eum tradere ſepulturæ; ac ſic erat pialis et miferanda contentio inter eos. Omnes tamen ſic amariffime flebant, ut quisque eorum non poſſet ad plenum verba formare. Videbant quidem Matrem omni ſolatio deſtitutam, et ſuper illam planctum dabant potius ex compassionis affectu, quam ſuper unicum ſuum Dominum ſpecialem.

¹ Job. xix, 21.

(1) Cod. in ſepulcro.

Major illis erat dolor de Matris dolore, quam fuerat prius de Domini paſſione. Flebant igitur cuncti anxiο dolore genentes; et ſic Dominum vitæ, mortis ſepulturæ dederunt. Sepulco Domino, Mater ſepulcrum amplectitur omni corde, et qua poṭerat voce benedicebat Filium ſuum tam dilectum. Ad ſepulcrum ſedens, innixa illi, extendebat deſuper manus suas, illud oſculans, Dominum amaro nimium plorans ſingultu.

IX. Accessit Joannes, cui eam Jesus commendaverat, et lugens et ipſe multum, nec ſe poṭerat continere, eamdem lugentem a terra levavit; nam cruētata gemiſibus, fatigata doloribus, ploratiſbus afflita ac anxia, in pedibus ſe non poṭerat continere. Tamen, ſicut poṭerat, a sanctis mulieribus adjuta, cunctis plorantiſbus ſimul, Jerusalem ingreditur dolorosa. Quam ſeſminæ multæ videntes, motæ pietate ſuper dolores illius, ad luctum convertebantur amarum; et illarum quædam ambulantes poſt illam etiam lamentabantur plorantes: plorabant multæ quæ adhærebant (1) Mariæ; nam dolor ejus multos faciebat dolentes, quicunque videbant eam plorantem. Tam pie plorabat, ut vix poſſet (2) lacrymas continere, et tamen amare dolebat, quod ex ſno pio ploratu multos etiam invitos trahebat ad luctum. Fiebat luctus, quacunque Maria transibat; plorabat ipsa, plorabant ambulantes etiam cum eadem, plorabant multi ei obviam venientes; et ſic plorans a plorantiſbus duicitur, quousque per ventum eft ad domum Joannis, cui eam Filius commendaverat. Ibi reſedit, iſaque in domo remansit; quam Joannes relinens, ſupra Matrem propriam omni corde amavit. Sepulco Domino, monumentum ſignatum eft a Judæis, et traditum eft cuſtodibus, ut illud cum diligētia cuſtodirent. Interim Maria domi Joannis (3) dolorosa ſedebat: ſedebat an jacebat, dicemus? Utrumque ſecure poſſumus affirmare. ſedebat

(1) Cod. adolebant. — (2) Id. vix poṭerat, nec habet ut. — (3) Id. eft in domo Joannis.

namque pariter et jacebat⁽¹⁾, quia præ nimio dolore non poterat ambulare. Plorans ploravit per diem noctemque, nec erat qui consolari posset eamdem ex omnibus charis ejus⁽²⁾, non suæ sorores, nec etiam ipse Joannes. Amaris lacrymis meditabatur dolores, quos Christus sustinuit in morte crudeli, et nimis amara passionis loca omnia mente currebat. Quæ et quanta fuerat passus, in animo cuncta volvebat, ac pios⁽³⁾ gemitus et pia suspiria dabat. Hunc dulcem Dominum aceto et felle potatum, lancea jam mortuum tunc sæva fuisse perfossum, plorans clamabat, atque dicendo plorabat : « Jesus, Jesus meus, Deus creator omnium dulcis, qua sæva morte, factushomo, fuisti peremptus ! Quem terra, pontus, aër, nec cœli capere queunt, te capit arca nunc, Fili, suscepta sepulcri. O quam nequam vitæ reddidit humana propago, quæ protulit uvas quarum sunt amarissimi fructus, dum morte necavit qui de nihilo cuncta creavit ! Nunc jacet Domini Filius in miseræ mortis sepulcro. Ad terram venit Deus, vita nostra, peremptus ; corpus sibi sumens humanæ fragilitatis, ad terram venit, nec est receptus a suis, sed servi ejus semper machinati sunt malum. In illum sæviit Herodes rex Iudaorum, et cum illo quidem omnis Jerosolyma simul, parvulum, pendentem adhuc ad ubera Matris. Dehinc vir sanctus, verba dabat salutis ejusdem, ut rumperet nodos⁽⁵⁾ cuiuslibet infirmitatis, omnes ægrotos sanans ab omni languore, mortuos resuscitans. Fili mi, ah ! crudelissimam mortem⁽⁴⁾ passus es in ruinam multorum ex⁽⁵⁾ filiis Iudæ, Scribarum atque Principum, Presbyterorum et Pharisæorum, sibi nunc ad ultimum commachinantibus⁽⁶⁾ malum et mortem. » Hæc⁽⁷⁾ præsens dies demonstrat crucis aperie.

¹ Thren. 1, 2.

(1) Cod. male dicebat. — (2) Id. impios absurde. — (3) Id. vota. — (4) Id. a crudelissima morte. — (5) Deest ex in cod. — (6) Cod. commachinantibus. — (7) Id. hinc.

LIBER

De Omnibus virtutibus, quem beatus Augustinus edidit ad Matrem suam.

Hic tractatus, qui educitur ex Bibl. Sanctæ Crucis Florentiæ, Plut. xvii dextr., cod. ix, fol. 2, nullo modo potest beato Doctori attribui, cum inter alia citetur frequenter Historia Tripartita, quæ post versionem Epiphanius scholastici concinnata fuit a Cassiodoro, qui usque ad medium sexti sæculi floruit, et ultra, utpote qui defunctus sit anno 563. Stylus aliunde nihil Augustinianum habet. Duo ultima capita, et extremum præsertim non eadem manu conscripta crediderim; obscurior enim dicendi modus, et intricationes sunt sententiae. Quicumque sit hujus tractatus scriptor, non sine voluptate legetur a doctis piisque viris. Sit in appendice post præcedentem.

TUÆ petitioni, charissima Mater, ut rogasti, satisfacere studui⁽¹⁾. Novi enim ardorem tui animi erga Scripturas divinas; non tibi inesset studium legendi, si non⁽²⁾ et implendi ea quæ legis. Memor igitur sum lacrymarum tuarum, et omnis studii tui quod in te sæpe prospexi, dum mecum⁽³⁾ de animæ tuæ sermocinareris prosectu. Et ideo mihi non piguit hoc, quod mihi tua suggestere studuit charitas, adimplere; quatenus et tu ex hac ipsa admonitione in Domini gratia datum accipias, et ego tuæ mercedis effici merear particeps. Scio enim non mediocriter esse

(1) Cod. scribere, et antea tibi ut. — (2) Id. ponit si non ante inesset. — (3) Id. tecum, pro mecum, nisi legas sermocinarer.